

KANTON SARAJEVO
SKUPŠTINA KANTONA SARAJEVO
KLUB ZASTUPNIKA Demokratske fronte
Marijela Hašimbegović, zastupnica

SKUPŠTINA KANTONA SARAJEVO
n/r Okerić Elvedin,
predsjedavajući

**PREDMET: AMANDMANI NA PRIJEDLOG BUDŽETA KANTONA
SARAJEVO ZA 2026.GODINU**

Poštovani,
Na osnovu člana 151. i 152. Poslovnika Skupštine Kantona Sarajevo („Službene novine Kantona Sarajevo“, br.41/12-Drugi prečišćeni tekst, 15/13 i 47/13) dostavljam Amandmane na Prijedlog Budžeta Kantona Sarajevo za 2026 godinu.

AMANDMAN 1

Iz budžetske pozicije Ministarstva kulture i sporta 22 01 614300 082F Fondacija za kinematografiju izdvajaju se sredstva u iznosu od **2.500.000 KM** i formira se **zasebna analitička kartica (budžetski kod)** pod nazivom: **Fondacija za kinematografiju Kantona Sarajevo**. Ovaj amandman je ključan za **institucionalnu autonomiju i dugoročni razvoj filmske industrije**. Da bi Fondacija za kinematografiju Kantona Sarajevo zaista profunkcionisala kao nezavisno tijelo koje je osnovala Skupština, ona ne smije biti "skrivena" unutar opće kartice Ministarstva. Ujedno ovim amandmanom se vrši usklađivanje budžetskog plana sa statusom Fondacije kao samostalnog pravnog subjekta, čime se jača institucionalni okvir za razvoj filmske industrije u Sarajevu.

Obrazloženje:

S obzirom na to da je Fondacija za kinematografiju Kantona Sarajevo osnovana Odlukom Skupštine Kantona Sarajevo kao zaseban pravni subjekt, neophodno je osigurati njenu punu administrativnu i finansijsku funkcionalnost kroz uvođenje zasebne analitičke kartice u Budžetu KS. Trenutna praksa u kojoj su sredstva Fondacije dio opće pozicije Ministarstva za kulturu i sport onemogućava potpunu transparentnost, usporava operativne procese isplate sredstava filmskim produkcijama i otežava revizorsko praćenje namjenskog utroška sredstava. Prema principima budžetskog prava, svaki pravni subjekt koji ima vlastite organe upravljanja (Upravni odbor, direktora) i odgovornost, trebao bi imati vlastitu budžetsku poziciju (analitičku karticu). To mu

omogućava da samostalno aplicira za sredstva, planira rashode i podnosi izvještaje.

AMANDMAN 2

Izvršiti prenamjenu kreditnog zaduženja u iznosu od 2,200, 000 KM i usmjeriti na stavku 22 01 821600 Nov 082F 'Rekonstrukcija fasade JU Narodno pozorište' planirane u iznosu od 200 KM. Sada ova pozicija iznosi 2,300,000 KM.

Obrazloženje:

Predloženim Amandmanom traže se sredstva za hitnu sanaciju i restauraciju fasade Narodnog pozorišta Sarajevo. Trenutno stanje fasade predstavlja direktnu prijetnju po sigurnost građana i uposlenika Narodnog pozorišta zbog učestalog obrušavanja fasade na javnu površinu. Kao nacionalni spomenik pod zaštitom države, ovaj objekat zahtijeva specifičan restauratorski pristup kako bi se očuvao njegov historijski integritet. Pored estetskog i sigurnosnog aspekta, projektom je predviđeno unapređenje energetske efikasnosti objekta zamjenom postojeće stolarije, čime će se ostvariti značajne uštede u budžetu za tekuće troškove energenata. Obnova fasade Narodnog pozorišta je nužan korak u očuvanju kulturnog identiteta Kantona Sarajevo.

AMANDMAN 3

Sa budžetske stavke 18 01 0001 Ministarstvo privrede Kantona Sarajevo i stavke 18 01 614300 047F Tekući transfer Turističkoj zajednici KS za sufinansiranje projekata od značaja za razvoj turizma umanjiti iznos za 150, 000 KM i usmjeriti na poziciju: 22 02 0006 22020006 JU "MES-Međunarodni teatarski festival - Scena MESS i stavku 22 02 613900 082F Ugovorene i druge posebne usluge planirane u iznosu od 508,133.

Sada ova pozicija iznosi 658,133 KM.

Obrazloženje:

Predloženim Amandmanom traži se povećanje sredstava na stavci Ugovorene i druge posebne usluge za potrebe produkcije Internacionalnog teatarskog festivala MESS. S obzirom na inflatorne pritiske i značajan porast troškova tehničke produkcije na globalnom nivou, trenutna sredstva nisu dovoljna za održavanje dostignutog nivoa kvalitete. Investiranje u produkciju MESS-a direktno doprinosi promociji Kantona Sarajevo kao kulturnog centra regije, generiše prihode kroz kulturni turizam, te omogućava građanima pristup vrhunskim svjetskim umjetničkim ostvarenjima koja zahtijevaju kompleksnu produkcijsku i tehničku podršku.

AMANDMAN 4

Sa budžetske stavke 18 01 0001 Ministarstvo privrede Kantona Sarajevo i stavke 18 01 614300 047F Tekući transfer Turističkoj zajednici KS za sufinansiranje projekata od značaja za razvoj turizma umanjiti iznos za 200,000 KM i usmjeriti na poziciju: 22 02 JU "Narodno pozorište"stavka 22 02 613900 082F Ugovorene i druge posebne usluge planirane u iznosu od 626,766.

Sada ova pozicija iznosi 826,766 KM.

Obrazloženje:

Narodno pozorište Sarajevo, kao najstarija i najznačajnija teatarska kuća u Bosni i Hercegovini, suočava se s rastućim troškovima realizacije visokokvalitetnih predstava drame, opere i baleta. Trenutni nivo sredstava ograničava kreativni potencijal ansambala, otežava angažman vrhunskih domaćih i stranih umjetnika, kao i tehničku realizaciju zasnovanu na evropskim standardima.

Povećanje sredstava na ovoj stavki omogućit će **podizanje umjetničkog i estetskog standarda, internacionalnu relevantnost i dostupnost kulture.**

Investiranje u produkciju Narodnog pozorišta Sarajevo direktno doprinosi očuvanju kulturnog naslijeđa i promociji Sarajeva kao kulturnog centra regije.

AMANDMAN 5

Sa budžetske stavke 14 01 14010001 Ministarstvo saobraćaja Kantona Sarajevo i pozicije 14 01 614400 107F Subvencije za javni prijevoz 15,779,812 33,000,000 umanjiti iznos za 160,000 KM i usmjeriti na poziciju: 22 02 22020005 JU "Sarajevski ratni teatar i stavku 22 02 611000 Plaće i naknade troškova zaposlenih.Umjesto planiranih 27 potrebno je planirati 30 radnih mjesta.

Obrazloženje:

Amandmanom se traži osiguranje sredstava za sistematizaciju i popunjavanje tri radna mjesta radi upošljavanja stručnih lica koja će biti imenovana kao odgovorna lica vezano za poslove zaštite na radu, protivpožarne zaštite, javnih nabavki kao i pitanja sigurnosti posjetilaca i uposlenika. Shodno novom Zakonu o zaštiti na radu FBiH, teatar je obavezan osigurati kontinuirani nadzor i provođenje mjera sigurnosti. S obzirom na specifičnost teatarske produkcije (rad na visini, rad s električnim instalacijama, scenska mehanika), odsustvo stručnog kadra direktno ugrožava sigurnost radnika i publike, te izlaže instituciju riziku od visokih inspekcijskih kazni. Uposlenjem ovog kadra, SARTR bi se uskladio sa zakonskim normama i osigurao sigurno okruženje za rad i izvođenje programa.

AMANDMAN 6

Sa budžetske stavke 14 01 14010001 Ministarstvo saobraćaja Kantona Sarajevo i pozicije 14 01 614400 107F Subvencije za javni prijevoz 15,779,812 33,000,000 umanjiti iznos za 100, 000 KM i usmjeriti na poziciju: 22 02 22020005 JU "Sarajevski ratni teatar i stavku 22 02 613900 082F Ugovorene i druge posebne usluge planirane u iznosu od 311,000KM.

Obrazloženje:

Sarajevski ratni teatar (SARTR) predstavlja jednu od najautentičnijih kulturnih institucija u Bosni i Hercegovini. Njegov značaj nadilazi puku umjetničku produkciju; on je institucija od posebnog javnog interesa koja kroz svoj rad kontinuirano promoviše vrijednosti slobode, suživota i kritičkog razmišljanja.

Dodatno jačanje produkcijskih kapaciteta SARTR-a nužno je iz sljedećih razloga:

- **Afirmacija bh. dramskog teksta:** SARTR je ključna platforma za postavljanje tekstova savremenih domaćih autora, čime direktno potiče razvoj domaće književnosti i dramske umjetnosti.
- **Inkluzivnost i društveni angažman:** Specifičnost SARTR-a je rad na projektima koji tretiraju marginalizirane grupe i društveno relevantne teme, što zahtijeva specifične produkcijske uslove.
- **Mobilnost i gostovanja:** Povećanje sredstava omogućilo bi češća gostovanja u manjim sredinama unutar BiH, ali i na prestižnim međunarodnim scenama gdje SARTR redovno osvaja nagrade, djelujući kao kulturni ambasador naše zemlje.
- **Tehnička modernizacija:** Kao teatar koji teži inovativnim scenskim rješenjima, SARTR-u su neophodna sredstva za modernizaciju scenske tehnike kako bi ostao u koraku sa savremenim evropskim teatarskim standardima.

Povećanjem sredstava za produkciju SARTR-a osiguravamo kontinuitet teatra čineći našu kulturnu scenu dinamičnom i relevantnom.

AMANDMAN 7

Izvršiti prenamjenu kreditnog zaduženja u iznosu od 11,000, 000 KM i usmjeriti na stavku 33 01 0001 33010001 615400 NOV001 056F Izgradnja kotlovnice i rekonstrukcija toplovodne mreže u Vogošći na analitičkoj kartici 33 01 Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo.

Obrazloženje:

Sistem centralnog grijanja u općini Vogošća već dugi niz godina funkcioniše uz ozbiljne tehničke, organizacione i sigurnosne probleme. Postojeće postrojenje kojim upravlja BAGS Energotehnika je zastarjelo, tehnički nepouzdan, višestruko dokazano da ne može garantovati redovnu i stabilnu isporuku toplotne energije stanovništvu, javnim ustanovama i privredi.

Građani Vogošće su u više navrata bili izloženi kašnjenjima u početku grijne sezone, prekidima isporuke grijanja i potpunoj neizvjesnosti, što direktno ugrožava kvalitet života, zdravlje stanovništva, rad škola, vrtića i zdravstvenih ustanova. Privremena i ad hoc rješenja nisu dala rezultate i ne mogu biti zamjena za trajno sistemsko rješenje.

Izgradnja nove kotlovnice u Vogošći predstavlja prioritetan infrastrukturni projekt s ciljem rješavanja dugogodišnjeg problema zagađenja zraka i nestabilnog snabdijevanja toplotnom energijom. Trenutni sistem koji koristi mazut je ekološki neprihvatljiv i ekonomski neodrživ. Realizacijom ovog projekta, Kanton Sarajevo vrši prelazak na ekološki prihvatljivije energente, značajno smanjuje emisiju štetnih plinova u sarajevskoj kotlini i osigurava energetska neovisnost i sigurnost za više hiljada domaćinstava. Ovaj amandman je direktno uvezan sa ciljevima Zelene agende i obavezama Kantona Sarajevo u borbi protiv aerozagađenja.

Iz navedenih razloga, izgradnja nove, moderne toplane predstavlja nužnu i jedinu dugoročno održivu mjeru za rješavanje problema grijanja u Vogošći. Ovaj projekat je već prepoznat kao prioritet od strane nadležnih institucija Kantona Sarajevo, ali bez jasnog i dostatnog finansijskog okvira njegova realizacija ostaje neizvjesna.

Vlada Kantona Sarajevo, u skladu sa svojim nadležnostima i obavezom da obezbijedi osnovne komunalne usluge građanima, dužna je osigurati sredstva u Budžetu za realizaciju ovog kapitalnog projekta, kako bi se spriječilo ponavljanje višegodišnje krize, zaštitili interesi građana i osigurala energetska sigurnost općine Vogošća.

Sarajevo, 25.12.2025 godine

Marijela Hašimbegović, dia
zastupnica

